

Sog'liqni saqlash vazirining
2024-yil 22 04 dagi
130 - son buyrug'iga
1-ilova

**Tibbiyot oliy ta'lim muassasalarining 200 nafar bitiruvchisini magistratura va klinik
ordinatura ta'lim dasturlari asosida yetakchi xorijiy oliy ta'lim muassasalari va
markazlarida o'qitishga yuborish bo'yicha**

TANLOV MEZONLARI

Birinchi bosqich

№	TANLOV MEZONLARI	Ball
1.	Tibbiyot oliy ta'lim muassasalari bakalavriat bitiruvchisi	2
	Tibbiyot oliy ta'lim muassasalari qo'shma dasturi talabasi	1
2.	Ingliz tilini bilish darajasini belgilovchi xalqaro yoki milliy sertifikatga ega bo'lishi	2
	Ingliz tilini bilish darajasini belgilovchi xalqaro yoki milliy sertifikatga ega emas, biroq ingliz tilida mustaqil so'zlasha oladi	1
3.	Kompyuter texnikalaridan mukammal foydalana olishi (Microsoft Word, Excel, PowerPoint ko'nikmalariga ega bo'lishi)	2
	Kompyuter texnikalaridan minimal foydalana olishi (Microsoft Word ko'nikmasiga ega bo'lishi)	1
4.	Ilmiy ishlarda ishtirok etishi	2
	Tibbiy amaliy ishlarda ishtirok etishi	1
5.	Yo'nalishlar bo'yicha konferensiyalarda qatnashishi	2
	Yo'nalishlar bo'yicha tanlovlarda qatnashishi	1

ESLATMA!

Birinchi bosqich yakuni bo'yicha eng yuqori ball **15 ballni** tashkil etadi.

Ikkinchi bosqich — Komissiya suhbatiga birinchi bosqichdan 8 va undan yuqori ballni egallagan nomzodlarga ruxsat etiladi.

Ikkinchi bosqich

Suhbat davomida nomzodga 3 ta yo'nalish bo'yicha savol beriladi.

1. O'zbekiston tarixi va Tibbiyot tarixi to'g'risida

2. O'zbekiston sog'liqni saqlashning amaldagi tizimi va 2017-yildan keyingi olib borilayotgan islohotlar to'g'risida;

3. Xalqaro tibbiyot to'g'risida;

Har bir savolga ko'pi bilan 3 ball beriladi.

Ikkinchi bosqich yakuni bo'yicha eng ko'p 9 ballni tashkil etadi.

Tanlov yakuni bo'yicha eng yuqori ball 24 ni tashkil etadi.

Tanlov yakuni bo'yicha to'plangan ballarning miqdoriga, ya'ni kamayib borishi tartibida ro'yxat shakllantiriladi.

Mazkur ro'yxatdagi dastlabki bitiruvchi magistratura va klinik ordinatura ta'lim dasturlari asosida xorijiy davlatlarining yetakchi oliy ta'lim muassasalari va markazlariga o'qishga yuboriladi.

Sog'liqni saqlash vazirining
2024 yil 22 04 dagi
130 - son buyrug'iga
2-ilova

**Tibbiyot oliy ta'lim muassasalarining 200 nafar bitiruvchisini magistratura va klinik
ordinatura ta'lim dasturlari asosida yetakchi xorijiy oliy ta'lim muassasalari va
markazlarida o'qitishga yuborish bo'yicha**

TANLOV O'TKAZISH TARTIBI

1. Mazkur tartib tibbiyot oliy ta'lim muassasalarining bakalavriat va magistratura bitiruvchilarini magistratura va klinik ordinatura ta'lim dasturlari asosida xorijiy davlatlarining yetakchi oliy ta'lim muassasalari va markazlarida o'qitishga yuborish bo'yicha tanlov o'tkazishga qo'llaniladi.

2. Tanlov haqida vazirlikning ijtimoiy tarmoqlardagi rasmiy kanallarida e'lon qilinadi

3. Tanlovda tibbiyot oliy ta'lim muassasasining, shu jumladan, qo'shma ta'lim dasturlarining a'lo o'qigan, ilmiy, tibbiy amaliy ishlarda ishtirok etgan, yo'nalishlar bo'yicha konferensiya (tanlov)larda qatnashgan, O'zbekiston tarixini va tibbiyot tarixini bilgan, davlat tilida va bitta xorijiy tilda so'zlasha oladigan bitiruvchilar ishtirok etishlari mumkin.

4. Tanlov nomzodlari hududlarda tor sohadagi mutaxassislarga bo'lgan ehtiyojdan shuningdek, oliy ta'lim yo'nalishlari va mutaxassisliklari klassifikatoriga muvofiq har yili tasdiqlanadigan tanlov yo'nalishlaridan kelib chiqib aniqlanadi.

5. Tanlov ikki bosqichda o'tkaziladi:

Birinchi bosqich – nomzodning ko'rsatkichlari bo'yicha (1-ilova) rasmiy hujjatlariga ball qo'yish orqali belgilanadi.

Ikkinchi bosqich –suhbat asosida tanlov o'tkaziladi.

6. Tanlov komissiyasining Ishchi organi (Tibbiyot oliy ta'lim muassasalari) tomonidan nomzodlarning ro'yxati shakllantirilib, birinchi bosqich yakunlari bilan (nomzodlarning taqdim etgan hujjatlari asosida) Tanlov komissiyasiga taqdim etadi.

7. Tanlovda ishtirok etish uchun nomzodlar mazkur tartibning 3-bandi talablariga mos bo'lgan taqdirda zarur hujjatlarni skaner shaklini Ishchi organiga taqdim etadi.

8. Tanlovda ishtirok etish uchun hujjatlarni taqdim etish muddati Ishchi organi tomonidan belgilanadi.

9. Tanlovning birinchi bosqichidan muvaffaqiyatli o'tgan nomzodlar ikkinchi bosqich (suhbat)ga tavsiya etiladi.

10. Ikkinchi bosqich Ishchi organi tomonidan belgilagan muddatda o'tkaziladi. Bu haqida nomzodlar bir kun oldin ogohlantiriladi.

11. Ikkinchi bosqichni o'tkazish uchun Ishchi organi a'zolarining eng kamida 70 foiz qismi ishtirok etishi shart.
12. Tanlov yakuni bo'yicha to'plangan ballar qo'shib chiqiladi, eng yuqori ball olgan nomzodlar g'olib deb topiladi.
13. Tanlov yakuni bo'yicha bayonnoma rasmiylashtiriladi hamda g'olib deb topilgan nomzodlar o'qishga tavsiya etiladi.